


Հաստատված է

ՀՀ ԳԱԱ ԳԿՄԿ գիտական խորհրդի  
« 02 » 10 2015 թ. թիվ 84 նիստում

ՀՀ ԳԱԱ ԳԿՄԿ տնօրեն  
Ա. Սարգսյան



## Կ Ա Ն Ո Ն Ա Դ Ր Ո Ւ Թ Յ Ո Ւ Ն

ՀՀ ԳԱԱ ԳԻՏԱԿՐԹԱԿԱՆ ՄԻՋԱԶԳԱՅԻՆ ԿԵՆՏՐՈՆԻ

ՀՈԳԵԲԱՆՈՒԹՅԱՆ ԱՄԲԻՈՆԻՆ ԿԻՅ,, ՀՈԳԵԲԱՆԱԿԱՆ ԴԻՏԱՐԱՆԻ,,

## 1. ԸՆԴՀԱՆՈՒՐ ԴՐՈՒՅԹՆԵՐ

- 1.1. ՀՀ ԳԱԱ Գիտակրթական միջազգային կենտրոնի հոգեբանության ամբիոնին կից «Հոգեբանական դիտարանը» (այսուհետև՝ Դիտարան) ՀՀ ԳԱԱ Գիտակրթական միջազգային կենտրոնի (այսուհետև՝ ԳԿՄԿ) կառուցվածքային ստորաբաժանում է, որը գործում է Հայաստանի Հանրապետության օրենսդրությանը, ԳԿՄԿ-ի և սույն կանոնադրությանը համապատասխան:
- 1.2. Դիտարանը կարող է վերակազմակերպվել կամ լուծարվել ԳԿՄԿ տնօրենի ներկայացմամբ՝ ԳԿՄԿ գիտական խորհրդի որոշմամբ:
- 1.3. Սույն կանոնադրությունը կարող է լրացվել կամ փոփոխվել ԳԿՄԿ տնօրենի ներկայացմամբ՝ ԳԿՄԿ գիտական խորհրդի որոշմամբ:

## 2. ԿԵՆՏՐՈՆԻ ՆՊԱՏԱԿՆԵՐԸ ՈՒ ԽՆԴԻՐՆԵՐԸ

### 2.1. Դիտարանի նպատակներն են.

- ա) աջակցել Հայաստանի Հանրապետությունում կիրառական հոգեբանության զարգացմանն ու որակի բարձրացմանը,
- բ) վարժանքների և պրակտիկայի միջոցով նպաստել հոգեբանություն մասնագիտացմամբ ուսանողների մասնագիտական կրթության որակի բարելավմանը,
- գ) իրականացնել գիտահետազոտական աշխատանքներ կիրառական հոգեբանության տարբեր ոլորտներում:

### 2.2. Դիտարանի խնդիրներն են.

- ա) ԳԿՄԿ և այլ բուհերի հոգեբանության բաժինների մագիստրատուրայի ուսանողների մասնագիտական պրակտիկայի կազմակերպումը,
- բ) պրոֆեսորադասախոսական անձնակազմի և հոգեկան առողջության ոլորտի մասնագետների մասնագիտական կրթության և հմտությունների զարգացումը,
- գ) պրոֆեսորադասախոսական անձնակազմի կողմից մագիստրատուրայի ուսանողների խորհրդատվական և հոգեախտորոշիչ աշխատանքների վերահսկումը (սուպերվիզիա),

- ե) հոգեբանության բնագավառում հետազոտությունների կազմակերպումը, անցկացումը և արդյունքների վերլուծությունը,
- զ) օտարերկրյա հոգեբանական գիտական և հասարակական կառույցների հետ փոխհարաբերությունների հաստատումը, ամրապնդումը և զարգացումը,
- է) գիտաժողովների, սեմինարների, քննարկումների կազմակերպումը,
- ը) գիտական նյութերի, ամսագրերի և ժողովածուների հրատարակումը,
- թ) հոգեբանական խորհրդատվության բնագավառում հավատարմագրման համակարգի մշակումը:

### **3. ԴԻՏԱՐԱՆԻ ԿԱՌԱՎԱՐՈՒՄԸ ԵՎ ԿԱՌՈՒՑՎԱԾՔԸ**

3.1. Դիտարանի աշխատանքների համակարգումն իրականացնում է ԳԿՄԿ հոգեբանության ամբիոնի վարիչը:

3.2. Դիտարանի ընթացիկ գործունեությունը ղեկավարում է Դիտարանի համակարգողը, ում աշխատանքի ընդունում և աշխատանքից ազատում է ԳԿՄԿ տնօրենը:

3.3. Դիտարանի համակարգողը.

ա) հետևում է Դիտարանի մասնագիտական և ֆինանսական գործունեության կատարմանը,

բ) կազմակերպում և ղեկավարում է Դիտարանի ընթացիկ աշխատանքները,

գ) վերահսկում է Դիտարանի բաժինների(դրանց առկայության պարագայում) աշխատանքները,

դ) ԳԿՄԿ տնօրենին առաջարկություն է ներկայացնում Դիտարանի աշխատողներին օրենքով սահմանված կարգով խրախուսելու, կարգապահական տույժի ենթարկելու վերաբերյալ,

ե) իր բացակայության ժամանակ առաջարկություն է ներկայացնում համակարգողի ժամանակավոր պաշտոնակատար նշանակվելու վերաբերյալ,

զ) պատշաճ կարգով կազմակերպում է Դիտարանում տարվող գործավարությունը:

3.5. Կենտրոնի հաստիքացուցակը սահմանում է ԳԿՄԿ տնօրենը:

3.6. Դիտարանի կառուցվածքի մեջ են մտնում խորհրդատվական, գիտահետազոտական, մասնագիտական պրակտիկայի :

3.7. Հոգեբանական խորհրդատվության բաժինն իրականացնում է ԳԿՄԿ ուսանողների, աշխատողների, կազմակերպությունների և բնակչության հետ անհատական և խմբային խորհրդատվական աշխատանքներ:

3.8. Գիտահետազոտական բաժինն իրականացնում է հոգեբանական հետազոտական աշխատանքներ, կազմակերպում է գիտաժողովներ, սեմինարներ, քննարկումներ:

3.9. Մասնագիտական պրակտիկայի բաժինը կազմակերպում է ԳԿՄԿ հոգեբանության բաժնի ուսանողների և հոգեկան առողջության ոլորտի մասնագետների գործնական աշխատանքները, հոգեբանական պրակտիկայի անցկացումը՝ ուսուցողական վարժանքների, դասախոսությունների, սեմինարների, գործնական պարապմունքների միջոցով: